

# Informativni list

Pokrajinskog sindikata radnika u  
poljoprivredi Donje Austrije



Bosna i Hercegovina  
(Bosnien)

## Prava radnika u poljoprivredi u gazdinstvima u Donjoj Austriji Važi od 1. januara 2023.g.

Pokrajinski sindikat radnika u poljoprivredi Donje Austrije (NÖ LAK) je zakonski zastupnik interesa svih radnica i radnika u poljoprivredi i šumarstvu u Donjoj Austriji. Onaj ko je u radnom odnosu u nekom poljoprivrednom gazdinstvu u Donjoj Austriji, automatski je član (NÖ LAK). Osnovni zadatak NÖ LAK jeste besplatna podrška članova sindikata u vezi sa radnim i socijalnim pravom.

1. Ovisno o postignutom sporazumu o plati, minimalna mjesečna plata
  - pomoćnika u žetvi iznosi € 1.686,27
  - € 1.573,84 plus paušal za prekovremeni rad od € 134,90 za pomoćne radnike

Odredba o minimalnoj plati važi i za posuđene radnike ili radnike detaširane iz inostranstva. Ako poslodavac isplati manje od minimalne plate, prijeti mu visoka kazna.

2. Radnicima se moraju izdati razni dokumenti o radu. Posebno vodite računa da Vam poslodavac
  - na početku radnog odnosa uruči prijavu za austrijsko zdravstveno osiguranje
  - mjesečni obračun plate.

3. Prilikom prijave na austrijsko zdravstveno osiguranje (ÖGK) morate dobiti broj socijalnog osiguranja. Na osnovu ovog broja možete u periodu od najmanje 90 dana, bez problema, koristiti usluge zdravstvenog osiguranja. Tokom ovog perioda morate kod zavoda za zdravstveno osiguranje (ÖGK) lično podnijeti zahtjev za izdavanje elektronske kartice sa slikom. Ako je podnošenje zahtjeva moguće samo tokom radnog vremena, onda to predstavlja bitan razlog za izostanaka sa posla, tako da imate pravo na plaćeno oslobađanje od rada u neophodnoj mjeri.

Detaljnije informacije: [www.chipkarte.at](http://www.chipkarte.at)

4. U poljoprivrednim gazdinstvima, posebne isplate ("13. i 14. plata") obuhvataju i paušal za prekovremene sate. Dodatak za prekovremeni rad i božićni bonus iznose zato minimalno € 1.686,27 za pomoćnika u žetvi/€ 1.708,74 za pomoćne radnike. Tokom prve kalendarske godine u istom gazdinstvu postoji samo jedno smanjeno pravo na posebnu isplatu (€ 1.509,08/€ 1.529,18).
5. Morate zaključiti sporazum o normalnom radnom vremenu (= dužina i raspored redovnog dnevnog i sedmičnog radnog vremena). Poslodavac, načelno, ne može jednostrano mijenjati dužinu radnog vremena, a raspored može da mijenja samo vrlo ograničeno.

6. Poslodavac je obavezan da vodi evidenciju o radnom vremenu. Pobrinite se da Vam poslodavac preda ovu evidenciju ili Vi vodite svoju evidenciju o početku i završetku radnog dana i pauzama tokom rada. Osim toga, za veći učinak tokom normalnog radnog vremena imate, načelno, pravo na dodatak na satnicu.
7. Imate pravo na pet sedmica plaćenog odmora u jednoj godini rada. Za odmor koji niste koristili, na kraju radnog odnosa imate pravo na odštetu ("kompenzacija za godišnji odmor").
8. U slučaju da se razbolite, morate odmah o tome obavijestiti poslodavca. U slučaju bilo kakvih sporova, trebali biste biti u mogućnosti da dokažete da ste se javili poslodavcu. Na zahtjev poslodavca morate donijeti ljekarsko uvjerenje o oboljenju. Ljekarska uvjerenja iz inostranstva morate obavezno lično dostaviti odn. poslati austrijskom zavodu za zdravstveno osiguranje u roku od sedam dana, u suprotnom neće Vam biti isplaćena naknada plate tokom bolovanja.

Kontakt:  
NÖ Landarbeiterkammer  
Marco d'Aviano Gasse 1  
1015 Wien

Tel.: 01/512 16 01 12  
Fax: 01/513 93 66  
e-mail: [lak@lak-noe.at](mailto:lak@lak-noe.at)  
[www.landarbeiterkammer.at/noe](http://www.landarbeiterkammer.at/noe)

Neophodno je zakazivanje termina (na njemačkom ili engleskom jeziku)!